

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“ broj: 7/10), člana 52. stav 1. tačka 2) i stava 2. Zakona o organizaciji organa uprave u Federaciji Bosne i Hercegovine („Službene novine F BiH“, broj: 35/05) i člana 8. stav 1. tačka a) i stava 2. Uredbe o načelima za utvrđivanje unutrašnje organizacije kantonalnih i općinskih organa uprave i upravnih organizacija („Službene novine Zeničko-dobojskog kantona“, broj: 8/06), na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, na 7. sjednici, održanoj dana 29.05.2019. godine, d o n o s i

ZAKLJUČAK

I.

Vlada Zeničko-dobojskog kantona daje saglasnost na Pravilnik o izmjeni i dopuni Pravilnika o unutrašnjoj organizaciji i sistematizaciji radnih mjesta Ministarstva za prostorno uređenje, promet i komunikacije i zaštitu okoline, broj:12-34-6734/19 od 26.04.2019. godine.

II.

Zadužuje se Ministarstvo za prostorno uređenje, promet i komunikacije i zaštitu okoline da četiri potpisana i ovjerena primjerka Pravilnika iz tačke I. dostavi Stručnoj službi Vlade radi ovjere saglasnosti nakon čega će po jedan primjerak Pravilnika biti dostavljen Ministarstvu za prostorno uređenje, promet i komunikacije i zaštitu okoline, Ministarstvu za pravosuđe i upravu i Sekretarijatu za zakonodavstvo, a jedan primjerak će zadržati Stručna služba Vlade.

III.

Zaključak stupa na snagu danom donošenja.

Broj: 02-_____/19
Datum, 29.05.2019. godine
Z e n i c a

PREMIJER

Mirza Ganić

DOSTAVLJENO:

1x Ministarstvo za prostorno uređenje, promet
i komunikacije i zaštitu okoline,
1x Ministarstvo za pravosuđe i upravu,
1x Sekretarijat za zakonodavstvo,
1x Stručna služba Vlade,
1x a/a.

BOSNA I HERCEGOVINA
Federacija Bosne i Hercegovine
ZENIČKO-DOBOJSKI KANTON
Ministarstvo za prostorno uređenje,
promet i komunikacije i zaštitu okoline

Na osnovu člana 52. stav 1. tačka 2) i člana 8. stav (1) tačka a) Uredbe o načelima za utvrđivanje unutarnje organizacije kantonalnih i općinskih organa uprave i upravnih organizacija ("Službene novine Zeničko-dobojskog kantona", broj: 8/06), ministar Ministarstva za prostorno uređenje, promet i komunikacije i zaštitu okoline, uz prethodnu saglasnost Vlade Zeničko-dobojskog kantona donosi

P R A V I L N I K
o izmjeni i dopuni Pravilnika o unutrašnjoj organizaciji i sistematizaciji radnih mjesta u
Ministarstvu za prostorno uređenje, promet i komunikacije i zaštitu okoline
Zeničko-dobojskog kantona

Član 1.
(Dopuna člana 2.)

U Pravilniku o unutrašnjoj organizaciji i sistematizaciji radnih mjesta u Ministarstva za prostorno uređenje, promet i komunikacije i zaštitu okoline Zeničko - dobojskog kantona broj: 12-34-27995-1/12 od 20.12.2012. godine i broj: 12-34-5319/17 od 05.04.2017 (u daljem tekstu: Pravilnik), iza člana 2. dodaje se član 2a. i glasi:

„Član 2a.
(Utvrđivanje poslova koji su neposredno vezani za ministra)

Obavljanje poslova koji su neposredno vezani za ministra i obavljaju se za potrebe ministra i sve organizacione jedinice Ministarstva, vrši se bez osnivanja organizacione jedinice i to za radna mjesta: savjetnika ministra, sekretara, višeg referenta – tehnički sekretar i viši-samostalni referent za administrativno-tehničke poslove.

Član 2.
(Izmjena naziva „DIO ČETVRTI“)

Iza člana 7. u dijelu naziva „Dio četvrti - Sistematizacija radnih mjesta po organizacionim jedinicama“ – brišu se riječi „po organizacionim jedinicama“, član 8. postaje član 8b. ispred kojeg se dodaje član 8a. i glasi:

„Član 8a.
(Savjetnik ministra)

Radno mjesto „savjetnik ministra“ - koji nema status državnog službenika, vrši se bez osnivanja organizacione jedinice. Mandat „savjetnika ministra“ ne može biti duži od mandata rukovodioca organa državne službe, koji ga je imenovao.“

(1) **Naziv radnog mjesta:** Savjetnik

(2) **Opis poslova:**

- a) obavlja poslove savjetodavnog karaktera, odnosno daje savjete i sugestije ministru, koji se odnose na poslove iz djelokruga rada Ministarstva,
- b) saradnje sa međunarodnim i domaćim organima i organizacijama,
- c) obavlja savjetodavne i stručne poslove i izrađuje analize za potrebe ministra,
- d) ostvaruje odgovarajuću saradnju sa organizacijama i institucijama radi utvrđivanja stavova i kreiranja, odnosno provođenja utvrđene politike,
- e) priprema materijale po nalogu ministra, te prati njihovo izvršenje,
- f) osigurava dokumentacione materijale i podatke,
- g) učestvuje u izradi planova i programa rada Ministarstva,
- h) ostvaruje saradnju sa kantonalnim organima i općinskim/gradskim službama kao i drugim

organima, ustanovama na području Kantona, u cilju izvršavanja poslova i zadataka iz nadležnosti Ministarstva,

- i) sve poslove obavlja po procedurama utvrđenim ISO 9001 standardima, te obavlja i druge poslove po nalogu ministra,
- j) za svoj rad odgovara ministru.

(3) Posebni uslovi:

- a) VSS, VII stepen stručne spreme, odnosno visoko obrazovanje prvog (240 ECTS bodova), drugog ili trećeg ciklusa Bolonjskog sistema studiranja, pravne, ekonomske, tehničke ili prirodne struke,
- b) najmanje 5 godina radnog staža u struci, nakon sticanja visokog obrazovanja,
- c) položen stručni ispit u skladu sa propisima o državnoj službi,
- d) posjedovanje osnovnog znanja za rad na računaru.

(4) Vrsta djelatnosti: Poslovi osnovne djelatnosti,

(5) Naziv grupe poslova: Studijsko-analitički i stručno-operativni poslovi,

(6) Step en složenosti: Najsloženiji poslovi,

(7) Status izvršioca: Nema status državnog službenika,

(8) Pozicija radnog mjesta: Savjetnik ministra,

(9) Broj izvršilaca: 1 (jedan).“

Član 3.
(Stupanje na snagu)

Ovaj Pravilnik stupa na snagu danom davanja saglasnosti od strane Vlade Zeničko-dobojskog kantona.

Broj: 12-34-6734/19
Zenica, 26.04.2019. godine

MINISTAR

Arnel Isak

Na ovaj Pravilnik data je saglasnost Vlade Zeničko-dobojskog kantona Zaključkom broj: _____ od 29.05.2019.godine.

SEKRETAR
po ovlaštenju

Haris Hrgić